

中國第一歷史檔案館藏

清代起居注冊

康熙朝

中華書局

康熙五十六年八月至五十七年三月

清代起居注冊・康熙朝

第三二冊



中華書局

目錄

康熙十八年五月	二九五
康熙十八年六月	二九七
康熙十八年七月	三〇五
康熙十八年八月	三〇九
康熙十八年九月	三一七
康熙十八年十月	三一五
康熙十八年十一月	三八三
康熙十八年十二月	三六三

康熙五十六年丁酉八月初一日壬午巳時
上自熱河起行

駐蹕黃土坎是日烏朱穆秦扎薩克多羅厄爾
德尼貝勒博穆布來請

安進

貢

初二日癸未

上駐蹕湯泉

初三日甲申

上駐蹕行宮

初四日乙酉

上駐蹕中關申時

上御行宮大學士馬齊兵部侍郎仍在學士處行

走查弼納學士渣克旦穆爾泰以折本請

旨覆請吏部所題江西布政司白潢員缺將四川

按察使許兆麟等職名開列令其來京引

見一疏

上曰李光地于成龍任直隸巡撫時許兆麟曾任

守道朕素識之著許兆麟補授即令赴任停止

引見覆請禮部請派順天正副考官一疏

上曰待朕點出又請派房官一事遵

旨問九卿九卿舉出官員職名開列繕摺呈

覽并以原疏覆請

上曰棘闈弊端甚多先有一人以三字為關節中式趙申喬聞之殿試時竟查出此奏革退趙申喬此舉甚佳但伊從前為考官時所取之解元即已脫逃雖自謂公正人豈信之乎此番所派之房官將開列正副考官內除沈宗敬不派外

每房着派二員將各省人參雜派出錄名票簽

進呈一房內派出同省二人斷乎不可又覆請

派江南提督學政將檢討覺羅逢泰等職名

開列一疏派浙江提督學政將諭德陳厚耀

職名開列一疏派山東山西河南陝西湖廣

江西福建廣東廣西四川貴州提督學政將

檢討覺羅逢泰等職名開列一疏

上曰着九卿舉出覆請刑部所議彙題案內正藍
旗原任護軍校哈爾布家人逃出為僧名恒
修假刻直隸巡撫姓名圖書化緣情由枷號
三個月鞭一百一䟽

上曰恒修乃係旗下家人逃出為僧所行甚屬可
惡應議發遣三姓地方本發還再議具奏畢大
學士馬齊以

太宗皇帝實錄與朝鮮書內有兀爾喀與我原係女
直國大金之後等語請

旨并以票籤呈

覽

上覽票籤曰爾等票籤甚是居住長白山寧古塔
等處者係兀爾喀居住圖門江以外者係庫牙
拉謂大金之後非也此等處朕先亦欲改正因

圖海索額圖奏稱此昔日所記之事曾經

世祖皇帝御覽今改之未知當否是以中止俟進京

時爾等再奏馬齊奏曰臣與徐元夢等商議錄

出進京再奏

上曰善朕遍覽明朝實錄但將科抄寫入並未錄
實事即如成祖修京城之處尚未記一字史臣
但看野史記錄錯悞甚多故大臣雖奏請速成

明史朕明知其無實速成何為朕又覽史記漢書亦僅文詞之工記事亦有不實處即如載項羽坑秦卒二十萬二十萬卒豈有束手待坑之理乎

起居注官左都御史徐元夢奏曰臣等看書如此等處皆未詳察即以為實

皇上如此開示始知其不實處是日

賜江西巡撫白潢

御書匾額對聯鼻烟壺

初五日丙戌

上駐蹕青城是日韓麻子營中伙時隨

駕蒙古大臣官員住居口外正藍旗施沙拉哈

番布達原任護軍校克什特護軍二濟圖及

衆蒙古會同進

上筵宴是日

賜布達

御用銀鼠短褂一件銀五十兩克什特二濟圖各
銀三十兩蒙古男婦等各

賜銀有差喀爾喀扎薩克一等台吉哥木皮兒
阿巴海多羅郡王巴特馬滾出克多羅卓禮
克圖郡王查木巴兒查晉巴林榮憲固倫公

主來請

安進

貢

初六日丁亥

上駐蹕行宮是日蘓牛特多羅都楞郡王達里扎
普喀爾喀多羅達爾漢貝勒瞻丹固密護國
公索諾穆巴爾朱爾來請

安進

貢

初七日戊子

上駐蹕行宮

初八日巳丑巳時

上自青城起行駐蹕唐土溝是日隨

駕蒙古大臣官員居住口外正藍旗蘓魯克蒙

古會同進

上筵宴

賜衆蒙古男婦等銀兩有差

初九日庚寅

上駐蹕張三營是日折羅特多羅達爾漢貝勒阿
第沙來請

安進